



Inatsisartuni ilaasortaq Emanuel Nûko, Partii Naleraq  
/maani

**Inissiat attartortittakkat pillugit § 37 naapertorlugu apeqquteqaammut 2019-193-  
imut akissut**

24-05-2019

Suliaq nr.: 2019 - 12166

Id nr. 41605800

Asasara Emanuel Nûko

Inatsisartut suleriaasianni § 37 naapertorlugu inissiat attartortittakkat pillugit  
Naalakkersuisunut apeqquteqaateqarputit. Apeqqutit uannit akineqartussatut  
innersunneqarput. Apeqqutit matuma kinguliani ataasiakkaarlugit allanneqarput,  
akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: [box909@nanoq.gl](mailto:box909@nanoq.gl)  
Fax: (+299) 34 63 56  
[www.naalakkersuisut.gl](http://www.naalakkersuisut.gl)

**Apeqqut 1. Naalakkersuisut pilersaaruteqarnerlutik nuna tamakkerlugu inissiat  
attartortittakkat akiunik appaanissaminnik?**

Akissut: Naamik, Namminersorlutik Oqartussat inissat attartortittagaannit  
attartortitsinermut akiusunik appaanissaq pilersaarutigineqanngilaq. Maannakkorpiaq  
pisortat inissiaataannik attartortittakkanik misissueqqissaarneq annertooq  
ingerlanneqarpoq. Tamatumani Namminersorlutik Oqartussat inissiaataasa,  
kommuninut tunniunneqarnissaat siunnerfigineqarpoq. Siunissami ineqarnermut akiliutit  
ilusissaat annertussusissaallu suliamut tassunga ilaatinneqarput.

**Apeqqut 2. Naalakkersuisut innuttaasunut pissakinnerusunut ineqarnikkut qanoq  
piorsaaniarpat?**

Akissut: Pisortat inissiaataannik attartortittakkanik misissueqqissaarnermut atatillugu  
suliamik, Namminersorlutik Oqartussat inissiaataanni attartortittakkani ineqarnermut  
akiliutinik misissueqqissaarfiusussamik, kiisalu ineqarnermut akiliutit qaffasissusaasa  
naleqquttuunissaannut inassuteqaasiorfiusussamik aallartitsisoqarpoq. Inassuteqaatit  
taakku piareeriarpata, ineqarnermut akiliutinut tapiissuteqartarnerup, ineqarnermut  
akiliutit qaffasissusissaannut innersuussutinut ataqtigissaarneqarnissaat qanoq iliorluni  
qulakkeerneqarsinnaanersut misissorneqassaaq. Innuttaasut tamarmik inissiami  
attartukkaminni najugaqarnissamut akissaqarnissaasa qulakkeerneqarnissaa  
siunertarineqarpoq.

Neriuppunga qulaani allaqqasuni apeqquteqaatitit akineqartut.

Inussiarnersumik inuullaqqusillunga

Karl Frederik Danielsen